

Editor

Caribbean Speed Printers N.V.
Aruba Bank N.V. Acc. #332668
Caribbean Mercantile Bank N.V.
Acc. #23951903
RBC Royal Bank Acc. #13307728

Operations Manager

Mariette Engelhart-Boekhoudt

Redaccion

noticia@bondia.com

Pilar Flores (hefe di redaccion)
Angenette Figueroa (closer editor)

Leo Maduro

Dilma Arends

Raisa Montilla

Oriana Geerman

Ehecutivo di Benta

Sulaika Croes
sulaika.croes@cspnv.com

Mark Gomes
mark.gomes@cspnv.com

Aviso y Arte

Sandra Loefstop

Lisa Tromp

Departamento Digital

Juan Luis Pinto

Administracion
accounting@bondia.com

Martha Arteta de Ariza

Distribucion

Jenny Kelly

Coleccion

Evelinda de Cuba - Tromp

Pre Press

Luis Fernando Arenas (Hefe)
Pablo Libre

Press

Roland Schenker (Hefe)
Omar Ramirez
Martin Boekhoudt
Francis Dirksz

Colaboracion

Associated Press

Ret Karibense

Data Key

Afiliacion

Sociedad Interamerica
di Prensa (SIP)

DIRECCION

Adres: Weststraat #22
Tel: 582-7800

Email: noticia@bondia.com
aviso@bondia.com
info@bondia.com

Website: www.bondia.com
Facebook: @bondianoticia
Instagram: bondiaaruba

BON DIA ARUBA ta un corant redacta y imprimi na Aruba y ta obenibel di dialuna te cu diasabra. Ningun contenido por wordo reproduci sin permiso di editor.

Hubert Tiel: 55 aña creando historia a traves di fotografia

Hubert Tiel no ta un number desconoci den e mundo di fotografia. Cu 55 aña di experiencia, Hubert ta conta di su trayectoria den fotografia, con el a cuminsa, con e arte di fotografia a desaroya y ta duna su tips y mensahe pa futuro fotografonan di Aruba.

E aña aki Hubert a cumpli 55 aña den e mundo di fotografia. Dia 18 di augustus, dia di su cumpleaños, su pasion pa fotografia a cuminsa na momento cu pa su di 11 cumpleaños su mama a regal'e un camara chikito. E tempo ey tabata, el a sigui conta, e camara tabata di rol di 12 y tabata saca potret blanco cu preto.

El a conta cu e idea tabata pa e saca potret di e muchanan di bario cu a bin pa canta happy birthday p'e, pero esey no tabata e caso pasobra ora el a haya e camara el a cuminsa saca potret di cosnan, manera cadushi, lagadishi, cosnan cu tabata move y un rol di 12 tabata caba super lihe. Pero asina mes un di e miho potretnan cu el a saca e dia ey tabata di su mama.

El a splica cu despues poco poco cu tempo su habilidadnan pa saca potret tabata progresa. Y e tabata bay les di saca potret y tambe e tabata siña con pa laba potret blanco cu preto.

Despues di varios aña, ora e tabatin 18, Hubert a cumpra oficialmente su prome camara un tiki mas sofisticada y despues cu su 19 aña el a cumpra su prome camara Nikon, y desde e tempo ey el a keda usa e mesun marca di camara, te dia di awe.

Un di Hubert di otro pasionnan tabata motorsport y hunto cu pasion pa saca potret el a crea e combinacion perfecto. Pero no obstante e tabatin hopi contratiempo cune pasobra e sa e shot cu e ta busca y e angulo cu mester, pero na Palomarga e tempo ey e tabata haya problema cu e grupo cu tabata traha pa por a yega na unda mester ta pa haya e shot perfecto.

“Como fotografo bo sa kico bo ta buscando, kico ta e angulo, kico ta bo limite, y bo ta buscando algo cu no ta mescos cu tur hende. Mi ta corda tabatin un biaha nan a hala mi atencion pasobra mi tabata usando flash pasobra mi ta



stroba e driver. Pero asina bo ta haya bunita potret pasobra bo ta haya full e auto, pero e driver den dje tambe haciendo su trabou,” el a expresa.

Apart di saca potret, Hubert tambe a siña hopi hende riba Palomarga con pa busca e miho shot, algo cu ta haci'e hopi contento pasobra awendia e ta wak cu tin varios hende cu ta traha eynan cu tin shotnan hopi bunita mes.

Hubert a conta cu aunke saca potret di motorsport tabata su pasion mas grandi, el a cuminsa drenta poco poco den loke ta accidente, tur loke ta pasa rond tur dia, y asina mes tambe e tabata keda busca e manera di tin e miho angulo, e miho shot.

Tecnologia a avansa grandemente, y den e mundo di fotografia Hubert a biba esaki. El a splica cu awendia ya no tin preocupacion pa limite di cantidad di potret. Awendia cu chip e por saca 200 of 300 potret sin ningun problema.

Pero di otro banda tambe tecnologia a haci cu awendia hopi hende no ta interesa pa siña con pa saca fotografia mas. Hopi hende ta usa nan

telefon y ta yega saca potret di schuin, con cu ta y asina e potret riba su mes ta perde su balor. Ademas cu awendia hopi ta publica potretnan di nan momentonan riba storianan y despues no ta corda mas ni kico nan ta y no por bay den filenan pa sa kico e ta. “Esey ta jammer pasobra bo tin asina hopi historia den un fotografia,” el a enfatisa.

Hubert a conta cu tabatin un tempo cu el a purba di bay over na camara pa graba pa un periodo di dos aña, pero e no a gusta pasobra den su pensamiento ora e usa su camara di saca potret, e por dicidi ki ora e ta vries e momento y esey ta algo cu e no por haci cu camara di filma, e ta keda graba bay.

Cu 55 aña den e mundo di fotografia Hubert tin un archivo hopi grandi di potret, historia, recuerdonan warda. Recientemente el a haci di tur su material na Archivo Nacional Aruba, potret, documento y hasta su camaranan.

“Mi a hiba tur mi camaranan na ANA, tur mi badges, practicamente tur mi historia di 55 aña pa nan archiva esaki pa asina tambe nan por muestra hubentud con fotografia ta-

bata y con leu el a yega awe,” el a indica.

Por ultimo, Hubert tin algun tips valioso pa hobennan cu ta desea di drenta den fotografia. “Nos ta saca potret di tur loke ta bin y tur loke ta bay. Pero mi conseho ta keda semper busca e angulo correcto, luz corecto, y posicion corecto. Wak e como arte, e mester keda semper un arte y lo keda den historia,” el a enfatisa.

